

# Gabú Hpo Lù Dang



Yesuq é hkyô mhô-myi shin dâm pé  
Laiká bùk 1



Dang-u : Yesuq é hkyô mhô-myi shindâm pé (Laiká bùk 1)  
Hpuq ká sù : Chúmlùt Nóng Làt  
                  : Chúmlùt Ban Htáng  
Myíng : Zaiwâ  
Sâi htoq é bùi-nyì : October 2003  
Dum sâi htoq é bùi-nyì : August ,2019

Title : Good News, Stories of Jesus, Book 1  
Translators : Chumlut Nong Lat  
                  : Chumlut Ban Htang  
Language : Zaiwâ  
First Edittion : October 2003  
Second Edittion : August ,2019

## Laiká Bùk Shî- má Bo é Dang-u pé

|  |    |
|--|----|
| Byùq byùq é sau radu<br>Mahteq 18: 12-14               | 1  |
| Yesuq, zoshâng wui lé shi-mân byî é<br>Mark 10 : 13-16 | 4  |
| Myùng sù miwe myhî é alû ngùn<br>Mark 12:1-44          | 7  |
| Yesuq, byù raxê yùq lé lhoq gê byî é<br>Lukaq 17:12-19 | 10 |
| Yhûm sâi é byù rayùq<br>Mahteq 7:24-27                 | 13 |
| Yesuq wui htoq má hkyô sô ri.<br>Yohan 6:16-2          | 16 |
| Myoqnòq sù rayùq é mhô-myi<br>Lukaq 12:16-21           | 19 |
| Yesuq, làidun lé lhoq zîm pyâm é hkyô<br>Lukaq 8:22-25 | 24 |
| Dangmyi  | 28 |

## Ho Nghap Yù Râ Hkyô Pé

Mhông-myi shí pé gi, Chyúmlaika má bo é, Yesuq é hkyô pé nghut lhê. Ra am gi, yhang zui saít shit laít lo é maú hpo hkyô pé nghut luít, ra- am kúm gi, yhang mai byu pé lé hká dông mhoq shit kyô é hkyô pé nghut lhê. Yesuq gi, Israelaq gâ é mau má nyi laít lò bê sũ nghut lhê. Yhang gi, haú mau má sô jón wún luít, ge é hkyô eq hkik é mú ji pé lé kut shit bê nghut ri. Nò hpyo hui bang lé le lhoq gê byi bê. Garaít é hkyô pé lé le, taít kyo bê nghut ri.

Yhang shí-sũ é mú jip é lé wó kut é gi, Garai Gasang yhang eq rahá nghut nyi é yán mai nghut ri. Byù ra-am gi, Yesuq lé a ô naù dùt kô é yán mai, yhang lé tapzítng má, bát tap pyâm akô. Haú mù, yhang shít bê nghut ri. Nghut kôlhang, sumnyít nghũ rã nyít má Garai gi, yhang lé dum dui toq nhâng bê nghut ri. Byù ra-am kúm gi, yhang lé lùmjíng kô-mũ luít, yhang htâng châng bùm bekô nghut ri. Yhángmòq gi, yhang lé Yhũmsítng eq Yhũmsítng Garai gâ akô.

# Byùq Byùq É Sau Radu



Ra-nyí lé, Yesuq gi, zoshâng wuè eq sêng é hkyô, byù hpông lé mhoq shit nyi ri. Yhang tâi é gi, Dangké: byù rayùq gi, sau rashô du wó é nghû sháng, haú mâ é radu byùq yùq é nghut jáng, yhang hkâsu kut râ lhú?



Yhang gi, gótû sau gaúxe gaù du lé, bùm-yàm má mhan zo nhang to luî, haû sô nghoq ló byùq é sau zo lé, châng hô râ za nghut lhê. Yhang gi, dum myang ho yù jáng, haû a lám byùq é sau gaúxe gaù dû é yánmai gabú é htoq má, dum myang ho yu é sau radû é yánmai, je riyhang gabú râ nghut lhê gà ri.



Hauhtâng, Yesuq dum xoq tâ é gi, “Mauhkông mâ é núngmòq é âwa gi, haû eq rajung za, zoshâng rayùq lé lhang, yhang chyáng mai hkyô nghoq lám byùq ló râ lé ô nau é sô a nghut” gâ ri.



# Yesuq, zoshâng wuì lé Shi-mân byî é hkyô



Ra-nyí lé, byu pé ra-am gi, zoshâng wuì lé, Yesuq lòq ke byi mù, shi-mân byi râ lé, ô naù kôluî, haú bang lé yhâng chyáng shuî lé lo bum akô.



Nghut kolhang, yhang é chángzo pé gi, haú bang lé lhom tân pyâm akô. Yesuq gi, haú su kut kô é lé myang kat jáng, yhang é chángzo wuî lé, nhik-yô kat ri. Hau htâng, yhang gi, Zoshâng wuî lé, ngáchyáng nhang kat keq! Yhángmòq lé, hkâhkâm zing to kó, haî mô gâ le, Garai Gasang gi, zoshâng wuî su dùt bâng é hkóhkâm nghut nyi ri.



“Gyô yù keq! Zoshâng rayuq su a wó dùt é sù óyùq nghut kôlhang, Garai lé yhâng é hkóhkâm nghû luî, wó hap yù râ a nghut.” ga, yhângmòq lé taî ri. Hau htâng, Yesuq gi, haû zoshâng wuì lé yhâng é lòq mai lhom bún yû mô, yùq hkangmó lé yhâng é lòq ke byi luî, shi-mân byi bê nghut ri.


# Myung É Chui-Mó Myhí Kat É Alû Ngùn



Ra-nyí lé, Yesuq gi, byu pé mai yhángmòq é alû ngùn kat kat kut é, noqkuq yhûm hkaû mâ é sùtdèk mó nâm má zung tô nyi ri. Haú hkûn, byù hpûng mai yhángmòq é alû ngùn pé lé, lé kat nyi kô le, yhang zùng mù wú nyi ri. Sahtê pé myo myo gi, ngùn myo myo lé kat bum akô.



Hau htâng, myung é myiwe myhí rayùq gi, jé lé  
lò mù, ngùn íchap lé, lé kat kat ri. Ngùn chap háu  
pé gi, hpau gyai wá a dàp é jung nghut ri. Haû mù,  
Yesuq gi, yhâng é chángzo wuî lé wùt tsîng yù mù,  
yhángmòq lé tâi é gi,



“Ngò núngmòq lé taî kyo kô lé, Garaî é hí má, myung é myiwe myhí shî kat kat é ngùn gi, góbang kat é ngùn htoq má, je ri hpau dap bê nghut ri. Hkasu mô gê le, sahtê pé gi, yhángmòq agùn agó wó é mâ é lé za lé kat akô. Nghut kôhang, myung é myiwe myhí shî gi, yhang wó é gû bànshoq lé, kat kat bê nghut ri. Myiwe myhí shí yùq gi, yhâng é asàk baú râ hkyô má, ra châ é pé bànshoq lé kat pyám bê nghut ri.” gê ri.

# Byù Raxê Yùq Lé, Yesuq Lhoq Gê Byî É Hkyô



Ra-nyí lé, Yesuq eq yhâng é luzúm wuî gi, wà rawà shut e ló nyi bum akô. Wà yàm má jé é hkûn, manggâm a-na dâp é byù raxê yùq lé, yhángmòq myang akô nghut ri. Haú bang gi, we we má yàp to kôluî, “Yesuq ê Yesuq ê Ngá-mòq lé, shogyô yù laq ô!” ga, wùt garû bum akô.



Yesuq, yhángmòq lé myàng luî taî kat é gi, “Núngmòq é gung lé, hkyangjông pé chyáng e mù luî, ê tân shit wú keq” taî kat ri. Haû mù, yhángmòq hkyangjông pé chyáng e ló nyî kô le, yhángmòq é mánggam a-na gi, ge byùq bekô nghut ri.

Yhángmòq mâ é rayùq sù gi, yhang ge byùq bê lé byu myàng jáng, htúng htáng za dum taû ê mù, Garai lé, htê mó èq hkya-ôn ri. Yhang gi, Yesuq hkyî wang má, hkyî hput hkyîhput htuaq ngóm to luî, yhang lé jeju bûn é dang taî ri.





Haú yùq kúm gi, góbang su Yúdaq byù lháng a nghut nghut ri. Haû mù, Yesuq taî é gi, “Lhoq gê byi huî é bang raxê yùq nghut le, gó tû gau yuq gi, hká ló bekô lhú? Haû mù luî, shî tûngbaù hpó rayùq za dum taû lò mù, Garai lé jeju bû é dang lo taî é lhú?” gâ ri. Hau htâng Yesuq gi, byù haú yùq lé, toq yhàp luî, hkyangjông pê chyáng ê àq hkoi. Náng é lùmjínng myít gi, nang lé gè nâng bê nghut ri” ga taî kat ri.

# Yhûm Saî É Byù Rayùq



Yesuq, shiwa byù pé lé rajung jung ban moq shit é htâng, dumxoq taî é gi, “Ngò mhoq shit é hkyô pé lé gyô yù luî, ngò taî kyô é dông châng kut é sù gi, lùqhtân htoq má yhûm tsuq tô é hpàqchyî bò sù rayùq eq wuí ri.



Maumó wo gyó lò mù, wuìwúm wúm lo lhê eq,  
yhûm haû le lai dún èq le, lo mùt lhê eq dùt  
kôlang, yhûm haû gi, lùqhtân htoq má tsuq tô é  
yánmai, a htên gyòp byùq râ nghut lhê. Nghut  
kôlang, ngò mhoq shit é hkyô pé lé, gyô yù  
kôlang, ngò taí é dông a châng kut é sù ó yùq le,  
se-muî jàng má, yhûm tsuq tô é byùgò rayùq eq  
wuí ri.



Mau mó wo gyó lò mù, yhâm haú lé wuìwúm  
èq lo ûm lhê eq, laidûn èq lo mùt lhê eq dùt jáng,  
yhâm haû gi, byòq gyòp myín byùq râ za nghut  
lhê” gâ ri.

# Yesuq, Wuì Htoq Má Hkyô Sô É Hkyô



Radàm lé, Yesuq é cháng zo wuì gi, lhaî ra-  
lhum má wang ji luî, Galilé nhông hé hpoq shut,  
gû dâp e ló nyi akô. Myínhtâng jé jáng, laìdun mó  
mùt lò mô luî, wuìhêng toq lo nyi bê nghut ri.



Haú hkûn, Yesuq é cháng zô pé gi, haú lhaî le, myi, ngo déng kô lháng kôn jé é htâng má shèq, yesuq lé byu myang kat akô. Yhang gi, wuì lhêng htoq má so luî, yhángmòq é lhaî shut châng lé lo nyi ri.




Haû mù, yhángmòq gi, gyai yhang chôm gyùq dan nyì kô é hkûn, yhángmòq lé Yesuq nyo kat é gi, “Hkâgyùq kó, Ngò núngmòq é Yhûmsîng Garai ru-nghut lhê,” gâ ri. Haúhkûn shèq yhángmòq gi, gyùq é myìt a bo byùq lo kô mù, gabú myìt èq yhang lé lhaî hkaû má lhom hâng yù bekô nghut ri. Hau htâng má, lhaî haû le, wuì yàm má kôn jé luî, yhángmòq le jé nau é jowò má, jé bekô nghut ri.

## Myòqnòq Sû Rayùq É Mhò-Myi



Ra-nyí lé yesuq gi, shiwa byu pé lé mhoq shit nyi é hkûn, myòqnòq myit a ge bo é hkyô lé, mhò-myi shindâm dông sidìq byî é gi,





“Hôwa gyaí ge é yò rahkyang wó tô é sùt xau hpó rayùq nyi ri. Yhang myit é gi, “ngò wó tô é zè bànshoq lé, wó kat tsîng to râ matú, kô é jowò a wó gnhut ri. Hkâsu wá kut wú râ lhí?”



Ngò shí dông kút wú râ âbe. Ngá é chyî pé lé, hpyoq pyám luî, je kô lam é chyî pé sâi wú râ. Haú hkûn jáng shèq, ngá é guzò muilhum eq ngò wó é gótû azíng zè bànshoq lé, wó kat tsíng to râ nghut lhê.



Yhûmsing gung lé le, Nàng gi, hpuwáng bò sù rayùq nghut nyi ri-nhung! Nàng gi, zàn wut myo myo lhê é matú, ra châ é zè gè bànshoq lé, wó hkong to bê nghut ri. Zo mù, shuq mù, ngón ngón nyi àq hkoi! gâ ri. Nghut kôlhang, haú yùq lé Garai taî kat é gi, “byù gò byù na ê,



Hkû-myîn yhang jáng, nàng shî berâ nghut mù, ngò nang lé tarâ jé yang râ nghut lhê. Haú hkûn náng é matú, hkong tô é náng é sùtzè pé bànshoq gi, náng é matú, haí jung akyû bò râ lhú?”, gâ ri. Hau htâng Yesuq dumxoq taî é gi, “Mingkan mâ é sùtzè myo myo hkong tsîng to lluî, mau- hkûng mâ é sùtzè lé, a wó tô é bang gi, mhô-myi shî eq rajung za dùt râ nghut lhê” ga luî, taî kyô ri.

# Yesuq Laidun Lé Lhoq Zîm Pyâm É Hkyô



Ra-nyí lé, Yesuq gi, yhâng é cháng zo wuì eq rahá, wuìlhaî ralhum má wang nyi to luî, Yhángmòq lé, “Ngá-nhúng wuì-nhông hé hpoq shut gû dâp e ló sháng” gâ ri. Yhángmòq gû dâp e ló nyi kô é hkûn, Yesuq gi, lhaî hkaû má yhup myhî tô ri.



Hkâ-í a myáng má, laidun mó jé lô mù, lhaî haú htoq má wuì byíng lo é yánmai, yhángmòq lhúnglhâng bang gi, wuìgyùn mó hui bekô nghut ri. Haû mù, yhángmòq gi, Yesuq lé nhaûu toq luî, “Yhûmsîng ê! Yhûmsîng ê! Ngá-nhúng gi, myùp shi ló râ dùt bê ô!” ga luî, wùt garû nyi bum akô.



Haú hkûn, Yesuq gi, toq yàp kat luî, laìdun lé le, hta toq nyi é wuìhêng lé le, hkûm pyâm ri. Haú hkûn jáng, haú pé gi, zîmbyùq bekô nghut ri. Hau htâng, Yesuq gi, yhâng é cháng zô pé lé, “Núngmòq gi, lùmjíng i-myít gyai shaû akô hung” ga luî, taî ri.



Yhángmòq gi, maú hong byùq kô luí, gyai gyuaq kyum pyám bekô nghut ri. Haú mù, yhángmòq rayùq eq rayùq, “Shí yùq gi, hkâsû é byù wá nghut lhê lhú?, yhang gi, laìdun eq wuìlhêng pé lé lháng, wó hkâm pyâm é atsam wó sù nghut ri nhung” ga taí lhâm bum akô.



Dang myi

Byùq byùq é sau radu

Byù haú yùq gi, haî mù yhang 99 du lé tô tô mù, byùq byùq é radu lé châng ho é nghut lhê lhú?

Byùq byùq é sau lé myang hô jáng, haú yùq gi, i-myit má hkâsu ga hkam zo râ lhú?

Yesuq zoshâng wuì lé, shi-mân byî é hkyô Yesuq gi, yhâng é ch áng zô pé lé, haî mù, Yhâng é chángzô pé lé haî mù nhik yô rilhú?

Yesuq gi, zoshâng wuì eq séng luî, haî taî rilhú?

Myung é myiwe mhî é alû ngùn

Myung é myiwe myhî é alû ngùn gi, haî mù, hpau je dâp ri lhú?

Byù raxê yùq lé, Yesuq lhoq gê byî ri. Yesuq gi, byù hkâ-myhó yùq lé lhoq gê byî ri lhú?

Hkâ-myhó yùq taû lò mù, jeju bun dang lo taî ri lhú?

Yhûm saî é byù íyùq Yesuq taî é su a kut jáng, ngá-nhúng gi, hkâsu dùt râ lhú?

Hpàqchyî bò sô gi, yhûm lé hkâ má kut ri lhú?

## **Yesuq, wuìhtoq má hkyô sô ri.**

1. Yesuq é chángzô pé gi, lhaî hká shut jî e ló akô lhú?
2. Ó yùq gi, wuì htoq má hkyô sô ri lhú?
3. Chángzô pé lé Yesuq haî taî ri lhú?

## **Myòqnòq sô rayùq é mhô-myi.**

1. Myòqnòq sô gi, haî mû, je kô é guchyî lé saî ri lhú?
2. Garai Gasang gi, haûyùq lé haî taî ri lhú?

## **Yesuq laìdun lé lhoq zîm pyâm é hkyô.**

1. Lhaî má wuì byíng lô jáng chángzô pé gi, haî dùt lo bum akô lhú?
2. Laìdun lé ó yùq lhoq zîm ri lhú?
3. Chángzô pé lé, Yesuq haî taî ri lhú?
4. Yhángmòq hkâsu ga taî lhûm akô lhú?

